

Արիստակէս վրդ. Տարօնեցի «որ եր կասա-
րեալ զիսոյ երաժշտական երգոց եւ եղանակաց»,
Յովսէփ և Յովհաննէս վարդապետք Հղուե-
ցի, Յովհաննէս վրդ. Քաջբերունւոյ «այս-
ինքն յԱրմիշոյ»:

Իսկ մասամբ Սրապիոնի և մասամբ
Գրիգոր Կեսարացիի աշակերտեցաւ Մովսէս
Սիւնեցի «որ եղև յուսաւորիչ արեւելեայ մա-
սին յաշխարհիս եւ նորոգող Ս. Էջմիածնի»:

Գրիգոր Կեսարացի իբր ուսումնատենչ
պատանի պէտք է կանուխէն դիմած ըլլայ
Սրապիոնի քով որ իբր «սիեզերալոյս եւ խա-
րազնագեաց ձգնաւոր» և «անյաղթ փիլիսո-
փայ» (Յակոբ քհնյ. Կեսարացի), անշուշտ
մեծ տպաւորութիւն թողած է իր աշա-
կերտներուն վրայ:

Դարանաղցի, որ հակառակորդ մը ե-
ղած է Գրիգորի, խօսելով Սրապիոնի վը-
րայ կ'ըսէ թէ «եղևն աշակերտս սորին, նախ-

լէպին Ուռհայեցին կ'անուանէ նաեւ «հուեստ»։ Աս-
կէ կը հասկցուի թէ Յովհաննէս ալ իր կարգին ա-
շակերտներ հասուցած է։

Իրեն համար Հ. Ներսէս վրդ. Ակինեան կ'ըսէ
թէ քարեկամական յարաբերութեան մէջ էր Հռոմի
հետ (ՀԱ. 1934, էջ 237)։ Իսկ անոր տրուած Տիգրա-
նակերտի արքեպիսկոպոս տիտղոսը սխալ մըն է
կարծեմ (նոյն) վասնզի անիկա իր ծննդավայրին
եպիսկոպոսն էր։